

Factus. *V.* Mortem autem crucis. Usque. Glória Patri. Factus.

V. Ipse vulnerátus est propter iniquitátes nostras. *R.* Et attrítus est propter scélera nostra.

IN II. VESPERIS.

Omnia ut in primis Vesperis, [298] præter seq.

V. Ipse vulnerátus est propter iniquitátes nostras. *R.* Et attrítus est propter scélera nostra.

Ad Magnif. Aña. Depónens Joseph * corpus Jesu invólvit sindone, et pósuit eum in monumento excíso. Fuit planctus magnus in illa die : mulieres autem sedéntes contra sepúlcrum dolébant, sicut doléri solet in morte primogéniti.

PRO SABBATO.

De Immaculata
Conceptione B. M. V.
Semiduplex.

IN I. VESPERIS.

*Añæ ut in Laud. [323]
Psalmi ut in Festis B. M. V.
per Annum. [191]*

Capitulum. Prov. viij. c

Ominis possédit me in initio viárum suárum, ántequam quidquam fáceret a princípío. Ab ætér-

no ordináta sum, et ex antíquis ántequam terra fieret. Nondum erant abyssi, et ego jam concépta eram.

Hymnus.

AVE maris stella,
Dei Mater alma,
Atque semper Virgo,
Felix coeli porta.

Sumens illud Ave
Gabriélis ore,
Funda nos in pace,
Mutans Hevæ nomen.

Solve vincla reis,
Profer lumen cæcis,
Mala nostra pelle,
Bona cuncta posce.

Monstra te esse matrem,
Sumat per te preces,
Qui pro nobis natus,
Tulit esse tuus.

Virgo singularis,
Inter omnes mitis,
Nos culpis solútos,
Mites fac et castos.

Vitam præsta puram,
Iter para tutum,
Ut vidéntes Jesum,
Semper collætémur.

Sit laus Deo Patri,
Summo Christo decus,
Spirítui sancto,
Tribus honor unus.

Amen.

V. Immaculáta Concéptio tua Dei Génitrix Virgo. *R.* Gáudium annuntiávit univérso mundo.

Ad Magnif. Aña. Beátam me dicent * omnes generatiónes, quia fecit mihi magna qui potens est, allelúia.

Oratio.

Deus, qui per Immaculátam Virginis Conceptionem dignum Filio tuo habitáculum præparásti : quæsumus, ut qui ex morte ejúsdem Filii tui prævísa, eam ab omni labe præservásti, nos quoque mundos ejus intercessióne ad te pervenire concédas. Per eúmdem Dóminum.

Ad Completorium et alias Horas, in fine omnium Hymnorum dicitur.

Jesu, tibi sit glória,
Qui natus es de Virgine.

AD MATUTINUM.

Invitator. Immaculátam Conceptionem Virginis Mariæ celebrémus : * Christum ejus Filium adorémus Dóminum.

Ps. Venite, exsultémus. 2.

Hymnus.

Præclára custos Virginum,
Intácta mater Núminis,
Cœléstis aulae jánuá,
Spes nostra, cœli gáudium.

Inter rubéta lílium,
Colúmba formosíssima,

Virga e radice gérminans
Nostro medélam vúlneri.
Turris draconí impérvia,
Amica stella náufragis,
Tuére nos a fráudibus,
Tuáque luce dirige.

Erróris umbras discute,
Syrtes dolósas ámove,
Fluctus tuo inter, devíis
Tutam reclúde sémitam.

Jesu, tibi sit glória,
Qui natus es de Virgine,
Cum Patre, et almo Spiritu,
In sempitérna sæcula.

Amen.

IN I. Nocturno.

Aña. Admirábile est nomen tuum, * Dómine, in univérsa terra, quia in Virgine María dignum tibi habitáculum præparásti.

Psalmi trium Nocturnorum ut in Festis B. M. V. per Annum. [194]

Aña. In sole * pósuit Deus tabernáculum suum.

Aña. In Conceptione sua * accépit María benedictionem a Dómino, et misericórdiam a Deo salutári suo.

V. Deus omnipotens præcínxit me virtúte. *R.* Et pósuit immaculátam viam meam.

Lectiones de Scriptura occurr. cum R. R. sequent.

R. j. Per unum hóminem peccátum in hunc mun-

dum intrávit, in quo omnes peccavérunt. * Ne timeas María, invenisti grátiam apud Deum. *V.* Erípuít Dóminus ánimam tuam de morte, et contra inimicum factus est protéctor tuus. — Ne timeas.

R. *ij.* Transite ad me omnes qui concupiscitis me: * Et narrábo vobis quanta fecit Deus ánimæ meæ. *V.* Vivit Dóminus, quóniam adimplévit in me misericórdiam suam. — Et narrábo.

R. *ij.* Elécta mea cándida sicut nix in Líbano; sicut favus distíllans lábia ejus: * Mel et lac sub lingua illius. *V.* Veni de Líbano sponsa mea, veni coronáberis coróna gratiárum. — Mel. Glória. Mel.

In II. Nocturno.

Añ. Diffúsa est grátia * in Conceptióne ejus, et speciósá apparuit inter fílias hóminum.

Añ. Adjúvit eam * Deus mane dilúculo; sanctificávit tabernáculum suum Altíssimus.

Añ. Gloriósá * dicta sunt de te, Cívitas Dei; fundávit te Dóminus in móntibus sanctis.

V. In hoc cognóvi quóniam voluisti me. *R.* Quó-

niam non gaudébit inimicus meus super me.

Ex Bulla dogmática Pii Papæ noni.

Lectio iv.

CUóniam quæ ad cultum pèrtinent, íntimo plane vínculo cum ejúsdem objecto consérta sunt, neque rata et fixa manére possunt, si illud anceps sit et in ambíguo versétur, idcirco decessóres nostri Románi Pontífices omni cura Conceptiónis cultum amplifi-cántes, illius étiam objectum ac doctrinam declaráre, et inculcáre impensíssime studuérunt. Et enim clare apertéque docuére, festum agi de Virginis Conceptióne, atque uti falsam et ab Ecclesiæ mente alieníssimam pro-scripsérunt illórum opiniónem qui non Conceptiónem ipsam, sed sanctificatióne ab Ecclesiá coli arbitraréntur et affirmárent.

R. Ego ex ore Altíssimi prodívi, primogénita ante omnem creaturam: ego feci in cœlis ut orirétur lumen indeficiens. * Nondum erant abyssi, et ego jam concepta eram. *V.* Deus enim creávit me

in justítia, et apprehéndit manum meam, et servávit me. — Nondum erant abyssi.

Lectio v.

NEque mítius cum iis agéndum esse existimárunť, qui ad labefactándam de Immaculáta Virginis Conceptióne doctrinam, excogitáto inter primum atque álterum Conceptiónis instans et moméntum discrimine, asserébant, celebrári quidem Conceptiónem, sed non pro primo instánti atque mométo. Ipsi namque prædecessóres nostri suárum pártium esse duxérunt et beatíssimæ Virginis Conceptiónis festum, et Conceptiónem pro primo instánti tamquam verum cultus objectum omni stúdio tuéri ac propugnáre. Hinc decretória plane verba, quibus Alexánder séptimus decéssor noster sincéram Ecclesiæ mentem declarávit, inquit: Sane vetus est Christifidélium erga ejus beatíssimam Matrem Virginem Mariam pietas sentiéntium, ejus ánimam in primo instánti creatiónis atque infusiónis in corpus fuisse speciáli Dei grátia

et privilégio, intúitu meritórum Jesu Christi ejus Fílii húmáni géneris Redemptóris, a mácula peccáti originális præservátam immúnem, atque in hoc sensu ejus Conceptiónis festivitátem solémni ritu coléntium et celebrántium.

R. Nihil inquinátum in eam incúrrit: * Candor est lucis æternæ et spéculum sine mácula. *V.* Est enim hæc speciósior sole, et luci comparáta invenitur púrior. — Candor est.

Lectio vj.

ATque illud in primis iisdem decessóribus nostris doctrinam de Immaculáta Dei Matris Conceptióne sartam tectámque omni cura, stúdio et contentióne tuéri. Etenim non solum nullátenuš passi sunt, ipsam doctrinam quovis modo a quópiam notári atque tradúci, verum étiam longe ulterius progréssi, perspícuis declaratióibus iteratisque vícibus edixerunt: Doctrinam qua Immaculátam Virginis Conceptiónem profitémur, esse, suoque mérito habéri cum ecclesiástico cultu plane cón-

sonam, eamque veterem, ac prope universalem et ejusmodi, quam Romana Ecclesia sibi fovendam tuendamque suscepit, atque omnino dignam, quae in sacra ipsa liturgia, solemnioribusque precibus usurparetur. Neque his contenti, ut ipsa de Immaculato Virginis Conceptu doctrina inviolata persisteret, opinionem huic doctrinae adversam, sive publice sive privatim, defendi posse severissime prohibere, eamque multiplici veluti vulnere confectam esse voluerunt.

✠ Signum magnum apparuit in caelo: Mulier amicta sole, et luna sub pedibus ejus: * Et in capite ejus corona stellarum duodecim. ✠ Induit eam Dominus vestimentis salutis, indumento justitiae, et quasi sponsam ornavit eam monilibus suis. — Et Gloria Patri. Et.

In III. Nocturno.

Añã. Sanctimonia et magnificentia * in Conceptione ejus; annuntiatae in omnibus populis gloriam ejus.

Añã. Laetamini omnes * in Domino: et confite-

mini memoriae sanctitatis ejus.

Añã. Notum fecit * Dominus opus suum: in conspectu gentium revelavit gloriam Genitricis suae.

✠ Exaltabo te Domine, quoniam suscepisti me. ✠ Nec delectasti inimicos meos super me.

Lectio sancti Evangelii secundum Lucam.

Lectio vij. Cap. j. c

In illo tempore: Missus est Angelus Gabriel a Deo in civitatem Galilaeae, cui nomen Nazareth, ad virginem desponsatam viro, cui nomen erat Joseph, de domo David, et nomen virginis Maria. Et reliqua.

Homilia sancti Tharásii Episcopi.

De Praesent. Deiparae.

Quibus te laudibus cumulabimus Maria? O puella immaculata; o virgo impoluta; o mulierum ornamentum, filiarum nitor! O mater Virgo sancta, tu benedicta inter mulieres; tu celebrata propter innocentiam; tu obsignata virginitate. Tu Adami maledicti expiatio; tu debiti Hevae solutio. Tu Abelis purissima oblatio;

primogenitorum delictus; immaculatum sacrificium. Tu Enos in Deum spes non pudore suffusa; tu Enoch inita gratia, et in securam vitam migratio. Tu Noe arca, et secundae regenerationis apud Deum conciliatio. Tu regni et sacerdotii Melchisedech perillustri splendor; tu Abrahami firma fiducia et promissionis futurae posteritatis obsequens fides. Tu Isaac novum sacrificium et rationale holocaustum; tu Jacob in scalam ascensus causa, et fecunditatis in duodecim tribus permanentis expressio nobilissima. Tu Judae apparuisti secundum stirpem filia; tu Josephi pudicitia et veteris Aegypti, nimirum synagogae Judaeorum eversio, o Immaculata! Tu Moysis ejusdemque legislatoris liber divinitus concinnatus, in quo scriptum est sacramentum regenerationis, et divinis digitis insculpta in tabulis lex est tamquam in monte Sina, ubi novus Israel ab intelligibilium Aegyptiorum servitute vindicabitur, quemadmodum antiquus populus in solitudine manna et aqua de petra

satiatus est, petra autem erat Christus e tuo gremio proditurus tamquam sponsus de thalamo. Tu Aarónis virga florescens; tu es Davidis filia fimbriis aureis circumvestita vario ornata nitescens.

✠ Hortus conclusus soror mea sponsa, hortus conclusus, fons signatus: * Emissiones tuae paradisus, o Maria. ✠ Aperi mihi soror mea, amica mea, columba mea, immaculata mea. — Emissiones.

Lectio viij.

Tu es Prophetarum speculum, et rerum ab illis praenuntiarum exitus. Te enixe Ezechiel vaticinans appellavit portam clausam, per quam nemo hominum unquam transibit nisi Dominus Deus solus, et portam clausam conservabit. Te Isaias ille in primis grandiloquus praenuntiat virgam Jesse, ex qua flos Christus orietur, et fruticibus vitiarum exstirpatis radicitus, plantas divinae cognitionis in agro inseret. Te Jeremias praemonstravit inquam: Ecce dies venient, dicit Dominus, et feriam domum Israel et domum Judae foedus novum, quod consti-

tui cum pátribus eórum, ita significans advéntum ortúmque filii tui, et pópulum Géntium vocans ad Deum adorándum inde usque a fínibus terræ. Te étiam Dániel vir desideriórum proclamávit montem ingéntem, e quo Christus lapis anguláris abscondé- tur, et simulácrum multi- fórmis serpéntis ruína at- que exítio dissipábit. Te honóro agnam immaculá- tam, te prædico grátia plenam, te cano Dei ha- bitatióne puram et im- maculatam. Et sane ubi abundávit delíctum, su- perabundávit grátia. Per mulierem mortem lucráti sumus, per mulierem uni- vërsa ipse rursus instaurá- bit. Per serpéntem cibum accépinus amári sapóris, per ipsum vero rursus vescémur cibo immortali- tátis. Prima parens Heva Caínum in lucem édedit invidiæ et nequitæ prin- cipem; unigénitus Fílius tuus erit primogénitus vi- tæ et resurrectionis! O inauditum prodígium! O admirándam novitátem! O sapiéntiam nullis verbis coæquándam.

R. Magnificat ánima mea Dóminum : * Quia fecit

mihi magna qui potens est, et sanctum nomen ejus. **V.** Ecce enim ex hoc beatam me dicent omnes generatiónes. — Quia. **Gloria Patri. Quia.**

Lectio 1^a.

NOS autem pópulus Dei, gens sancta, congregátio acceptábilis, fílii colúmbæ, sóboles grá- tiæ in hac Vírginis cele- britáte puris ánimis, im- pollútis lábiis, multisonis linguis hymnos suavidi- cos extollámus. Illústre hoc festum, principem so- lemnitátem Angelis læ- tam et hómínium prædica- tióne digníssimam próuti par est venerántes illud Ave Gabriélis cum reve- réntia et gáudio sancto conclamémus. Ave delí- cium Patris, per quam ad últimos terræ fines Dei cognítio manávit. Ave Fí- lii domicílium, de qua ille carne indútus prodívit. Ave sancti Spíritus habi- táculum ineffábile. Ave sánctior Chérubim; ave gloriósior Séraphim, ave cœlo látior; ave sole splen- dídiior; ave luna micán- tior; ave múltiplex astró- rum nitor; ave levis nu- bes, quæ cœlestem plú- viam inspérgis. Ave aura

sancta, quæ spíritum ma- lítiæ a terra dissipásti. Ave nóbile præcónium Prophe- tárum; ave Apostolórum auditus per totum orbem sonus; ave Mártirum ex- cèllens conféssio; ave Pa- triarchárum laudatíssima prædicátio; ave Sanctó- rum summum ornamén- tum. Ave causa salútis ómnium mortálium; ave regína pacis conciliátrix; ave matrum splendor im- maculátus. Ave mediátrix ómnium, qui sub cœlo sunt; ave totius orbis re- parátio; ave grátia plena, Dóminus tecum, qui ante te, et ex te, et nobíscum. Ipsi laus cum Patre et san- ctíssimo et vivífico Spíritu, nunc et semper, et in in- finíta sæcula sæculórum. Amen.

Te Deum laudámus. 18.

AD LAUDES,

et per Horas, Añæ.

1. Tota pulchra es * Ma- ría, et mácula originális non est in te.

Psalmi de Dominica 19.

2. Vestiméntum tuum * cándidum quasi nix, et fá- cies tua sicut sol.

3. Tu glória Jerúsalem, * Tu lætítia Israel, tu hono- rificéntia pópuli nostri.

4. Benedicta es tu, * Vir-

go María, a Dómino Deo excélsio præ ómnibus mu- liéribus super terram.

5. Trahe nos * Virgo im- maculáta, post te curré- mus in odórem unguentó- rum tuórum.

Capitulum. Prov. viij. c

Dominus possédit me in inítio víarum suá- rum, ántequam quidquam fáceret a principio. Ab ætérno ordináta sum, et ex antíquis ántequam ter- ra fieret. Nondum erant abyssi, et ego jam concé-pta eram.

Hymnus.

O Gloriósa Vírginum, Sublímis inter sídera, Qui te creávit, párvulum Lacténte nutris úbere.

Quod Heva tristis ábs- tulit,

Tu reddis almo gérmine : Intrent ut astra flébiles, Cœli reclúdis cárdines.

Tu Regis alti jánuá, Et aula lucis fúlgida : Vitam datam per Vírgi- nem

Gentes redéemptæ pláu- dite.

Jesu, tibi sit glória, Qui natus es de Vírgine. Cum Patre, et almo Spi- ritu,

In sempitérna sæcula.

Amen.

V. Immaculata Conceptionis tua Dei Genitrix Virgo. **R.** Gaudium annuntiavit universo mundo.

Ad Bened. Añã. Ait Dominus Deus * ad serpentes : Inimicitias ponam inter te et mulierem, et semen tuum et semen illius : ipsa conteret caput tuum.

Oratio.

Deus, qui per Immaculatam Virginis Conceptionem dignum Filio tuo habitaculum præparasti : quæsumus, ut qui ex morte ejusdem Filii tui prævisa, eam ab omni labe præservasti, nos quoque mundos ejus intercessionem ad te pervenire concedas. Per eundem Dominum.

Ad Prmam, in R. br.
V. Qui natus es de Maria Virgine.

AD TERTIAM.

Capit. ut in Laud. [323]

R. br. Deus omnipotens, * Præcinxit me virtute. Deus. **V.** Et posuit immaculatam viam meam. Præcinxit. **Gloria Patri.** Deus omnipotens.

V. In hoc cognovi, quoniam voluisti me. **R.** Quoniam non gauderet inimicus meus super me.

AD SEXTAM.

Capitulum. Ezech. xlv.

Porta hæc clausa erit, non aperiatur, et vir non intrabit per eam, quoniam Dominus Deus Israel ingressus est per eam : eritque clausa Principi. Princeps ipse sedebit in ea.

R. br. In hoc cognovi, * Quoniam voluisti me. In hoc. **V.** Quoniam non gauderet inimicus meus super me. Quoniam. **Gloria Patri.** In hoc.

V. Exaltabo te Domine, quoniam suscepisti me. **R.** Nec delectasti inimicos meos super me.

AD NONAM.

Capitulum. Apoc. xij.

Signum magnum apparuit in celo : mulier amicta sole, et luna sub pedibus ejus, et in capite ejus corona stellarum duodecim.

R. br. Exaltabo te Domine, * Quoniam suscepisti me. Exaltabo. **V.** Nec delectasti inimicos meos super me. Quoniam suscepisti. **Gloria Patri.** Exaltabo.

V. Immaculata Conceptionis tua Dei Genitrix Virgo. **R.** Gaudium annuntiavit universo mundo.

IN II. VESPERIS.

Añæ et Capitulum ut in Laudibus. [323]

Psalmi et Hymnus ut in Festis B. M. V. per Annum. [191]

V. Immaculata Conceptionis tua Dei Genitrix Virgo. **R.** Gaudium annuntiavit universo mundo.

Ad Magnificat, Añã.

Sancta Maria * succurre miseris, juva pusillanimes, refove flébiles, ora pro populo, interveni pro clero, intercede pro devoto femineo sexu : sentiant omnes tuum juvamen, quicumque celebrant tuam sanctam Immaculatam Conceptionem.

